

المون عطشاً

حسام الدين حسان غانم

الموت عطشا
مجموعة قصصية

تأليف : حسام الدين حسان غانم

لوحة الغلاف للفنانة المصرية

مروه سعيد الطويل

الموت عطشا

انزعجت بشدة عندما شاهدت في طريقي
زحاما كبيرا من السيارات التي تقف أمامي فلم أعتد
في هذه المنطقة على الزحام ولا في هذا الشارع
أيضا صحيح إن مصر كلها زحام مهما تعددت
الطرق والكباري والأنفاق ، مرت الدقائق دون
جدوى وها قاربت على الربع ساعة ولا شيء
يحدث ولا سيارة تتحرك وخرج الناس من سياراتهم
يسألون قائدي السيارات التي أمامهم عن المشكلة
ولكنهم لا يعرفون فالناظر على مدى البصر يرى
أن السيارات قد وقفت لمسافة تقارب المائة متر ،
خرج السائقون وأنا معهم ووصلنا إلى الرصيف
نتمشى وكان منا من مشى على الجانب الآخر من
الطريق لأنه كورنيش النيل فما كان من كل
السائرين إلا أن غيروا اتجاههم ناحية كورنيش النيل

مضينا ناحية السيارات الأولى التي لا نعلم لماذا
وقفت ؟ هل هناك حادث أو ما شابه ؟ هل هناك
مستول يمر ؟ هل هناك منزل وقع ؟ ...

أم ماذا يحدث ... ؟ وبدأنا السير وخطوة وراء
خطوة وبدأت ملامح الغضب والامتعاض تتغير
غريبة لماذا بدأت قسما وجهي تتبدل ؟! وأنبسط
ما عقدته من الحاجبين وسارت في جسدي نشوة
ورأيتني أتنفس بارتياح ولا أعلم لماذا ابتسمت
وابتسمت ؟! وانفرجت أساري ونظرت حولي
حتى يشاركني الناس فرحتي التي لا أعلم مبعثها
ووجدت الناس تبتسم وتضحك والكل ينظر إلى من
بيمينه ومن بيساره ويضحك والكل مبتهج وفجأة
سألت نفسي من هؤلاء الناس ؟ وأين أنا ؟ ولماذا
أسير ؟ وإلى أين ؟ ولماذا يسير هؤلاء الناس معي
في طريقي ؟ طريقي ؟ طريقي ؟ أين سيارتي ؟
ولماذا تركتها وسمعت صوتا عذبا جميلا يتهدد قائلا

الله فكان الرد من الجميع الله وفجأة تحولنا جهة
اليمين ووقفنا صفا وراء الصفوف وتنفسنا بعمق
شديد هواءً طيباً ملاً علينا قوادنا ومسحت ببرودته
آلامنا وردد في السر منا والعلن الحمد لله ما هذا
المنظر الجميل ؟ وما هذا الإبداع العظيم ؟ يا رب
لك الحمد على ما رزقت ووهبته إنك نعم المولى
ونعم النصير إنه نهر النيل نعم هو نهر النيل الذي
وهبه الله القدير لمصر فحولها إلى مروج خضراء
وحفظ لأهلها النماء ومهما تعكر ماؤها بفعل
الجهلاء ومهما تعدى عليها منا الأذعياء فهو نعيم
بلادنا والشفاء .

وقفنا نتجاذب نعم الله - تعالى - علينا نحن -
المصريين- ونستغفر الله لما نفعله بنعمته من تلوث
وتعدي بغیض وتناسينا سبب اجتماعنا وماذا نفعل
هنا ؟ ولماذا أتينا ؟ ومن عنده موعد ومن لديه سفر
وكاننا نرى النيل لأول مرة ؛ غريبة فكل منا ذكر

أن هذا الطريق هو نفس الطريق الذي يسلك كل يوم
ولكن لا أحد ينظر إليه ولا يفكر منا أحدا أين ينزل
زجاج سيارته يتنسم عبيره أو يتلقى منه التحية . لك
الحمد يا الله و لك التحية يا نيل ونعتذر نعم نعتذر
ونقر نحن الواقفين بمحرابك القابعين تحت جناحك
السالكين لشطآنك نعتذر أننا لم نفكر فيك وكيف
نحميك ونصونك ونرعاك نعتذر لأننا لا نراك نعتذر
عن نعمة الله لنا فكم من نعمة نحن نملكها ولا نحمد
الله عليه ولا نذكرها هل من المعقول أن يصدق احد
أننا غفلنا عن مكان استجمامنا ومكان لقاء الأحبة
نرى ما هي آخر مرة سبحنا في مائه ؟ أو تنزهنا
على ضفافه ؟ أو ركبنا سفينة يختا فلوكة مركبا
ودققنا على بابه ما هي آخر مرة ارتمينا في أحضانه
..... وهنا لا أعلم من ذكر لنا قائلا : يا جماعة
وراءنا شغل مش عايظنا تعرفوا هو في إيه معطل
الدنيا وانزعجنا من هادم اللذات الذي قطع علينا

خيالنا ومشاريعنا المستقبلية من العودة إلى حضن النيل وتسرب إلينا جميعا إحساس يقول : نعم نريد معرفة ... معرفة ماذا ؟ آه تذكرنا لقد جئنا إلى هنا نسعى إلى أرواقنا وفجأة توقف الطريق ورد البعض نعم وترجلنا من سيارتنا إلى معرفة ما الذي يعطل الطريق نعم نعم فلنكمل مسيرتنا للأمام على حادث نشارك في التخفيف عن صاحبه أو ما شابه فنمد يد العون والمساعدة ونسير الطريق مرة أخرى . فأكملنا المسير و كنا ونحن نسير نلتفت على الجانب الأيمن تجاه من عشقنا إنه النيل نعم النيل وكان الناظر إلينا يرانا نسير للأمام ولكننا ملوحي الرقاب تجاه اليمين ذاهلين في ما الذي سنفعل مع هذا الجميل الأصيل العذب الهديل وكان الناظر إلينا يجدنا نلقي التحية على من يتهاذى جهة اليمين وفجأة ارتطم كل منا فيمن أمامه وكم كان ارتطامًا كبيرًا ولكن هيهات يخرجنا مثل هذا الارتطام الكبير

عن سلوكنا الجميل عجباً كان الارتطام فعلاً كبير
ولم نخرج كلمة آه أو سباب أو تحذير من غيرنا
وكنّا مهذبين ونحن الذين تقبّع تحت كراسيهم
العصي والشؤم وفي قلوبهم اللفظ الحقير وفي
جيوبهم مديات الجرح العظيم إنه النيل ولكن ولكن
دعونا نرى بماذا ارتطمنا وماذا فعلنا لأن الذي
غيرنا في دقائق وأبدلنا بدلاً من توجيه السبب لمن
ارتطمنا به نود الاعتذار له ونطلبه بالصبر الجميل
وجدنا على الأفق ناساً وخلقاً عظيم يقفون كما كنا
نقف تجاه النيل ولكنهم عجباً لم يؤثر فيهم ريحه
وعطره الجميل يقفون ناكسي رؤوسهم أيديهم على
خدودهم ورؤوسهم . من ... من هؤلاء القوم ؟
أهم أناس عاديّين ؟ يقفون كالمتعبد أمام المحراب
يبكي الندم على الذنب العظيم أتكون هذه هي
المرحلة الثانية من الشعور الذي مرّ بنا ونحن على
النيل وأن من يسير أكثر على ضفافه يتقلب مزاجه

ويبكي الندم والتقصير ووقفنا في ذهول من هول ما
رأينا كان الواقفون تتجاوز أعمارهم السبعين يقفون
ولا يتكلمون لا يتهامسون لا تتغير ملامحهم والتي
تتم عن قلق دفين ... رباه ماذا جرى وماذا يحدث
هنا ومن هؤلاء ؟ وما الأسئلة لا تنتهي ؟ وقفت
أسألهم فلا يردون وقفت أميل على أذن أحدهم هو
في إيه ماذا يحدث يا عم يا أستاذ هل هناك غريق
هل هناك انزعجت وزادت حدة صوتي في إيه
يا والدي طب حد يرد علينا وقفت في وجه أحدهم
وقد ملأت عيونهم الدموع وارتسمت على وجوههم
الكآبة فما كان منه إلا أن دفعني بعضهم من أمام
وجهه وكأنه يودع حبيباً فلا يريد أن يقطع ناظره
إليه أحد ومنهم من كان من الضعف فلا يقدر على
دفعي فيميل بوجهه عني وينظر إلى ما يريد عجباً
هو أحنا في متحف الشمع ولا إيه في إيه ووجدتني
لا اسمع رداً واسمع صدى أسئلتني من ممن أتوا

معي إلى هذا المكان ووجدتنا نسير تجاه ما يبصره
الناس ولا نبصره وما ينظره الناس ولا ننظره وما
يعييه الناس ولا نعيه فوجدتنا أمامه وجهها لوجه قد
علاها ما يعلو فعل الأيام ونخر في عظامه الأوهام
ولكن ماذا يعنى هذا العمود الذي يتعبده الناس ماذا
أرى وفجأة صرخ فينا شيخا جليل الهيبة طبعاً لا
تعرفون من هذا إنه مقياس النيل بناء الأولون لقياس
منسوب المياه . وإيه المشكلة درسناه في التاريخ
..... ياه لسه فاكر كلمة تاريخ درستوه وعمر ك ما
شفتوه طب في إيه وليه الناس ده هنا إيه
..... وكم ان مش عارف هو فيه إيه ولا
عارف احنا هنا إيه .. روح يا بني وخذ اللي شبهك
ده طلع اللي شبهك كثير طب يا عم
فهمني أرجوك يا يعم فهمني فهمني حرام عليك
..... يابني في بلاد بعيدة اتفقوا يعطشوك اتفقوا
يجوعك و معاهم اللي عايزين يقتلوك الناس اللي

انت شايقة قدامك دول كانوا أكثر من كده بكثير كل
ما المقياس بيقل ملي في ناس بتموت من الخوف
عليكوا ... روح يابني وخذ اللي شبهك واستنى
تموت في بيتك علي سريرك .. بس الناس اللي أنت
شايقة ده اختارت تموت على ضفافه ثم استدار
الشيخ ونظر إلى المقياس في صمت وزاد
الصمت . فينا اللي مشي وفينا اللي اتعجب
ومصمص شفايقة وفينا اللي قعد ذي الشيوخ
باصين لمقياس النيل وبتخرج روحهم مع كل
ملي بيقل في النيل على فكرة أنا لسه واقف
معاهم بس مش عارف هفضل واقف قد إيه ...

.

.
.
.

.
.
.
.

يوم في حياتي

صباح الخير هكلمكم عن يوم في حياتي .
نعم يوم واحد بس . ما هو أصلا يوم واحد كفاية
أقوي عليكم .

لأنه هيكون يوم طويل ولو هكتبلكم عن أيام حياتي
أكيد هتحتاجوا لسنيين علشان تقرأوها . أكيد حسيتوا
إني حاجة كبيرة منصب كبير..... أو مركز
اجتماعي مرموق أو عالم من العلماء
لا ده.... ولا ده .

أحب أعرفكم بنفسي أنا طاولة جميلة و صغيرة
صاحب المحل اشتراني من المصنع اللي هناك ده
وطلعت زي القمر وصاحب المحل اشترى عشرة
معاي كمان و فرش بينا المحل الشيك ده
بيقولوا بيبيع وجبات سريعة يعني مفيش حد بيقد
أكثر من نصف ساعة ويقوم على طول ..

على فكرة نسيت أعرفكم بـ "سمير" هو المسئول
عن نظافتي دائما بين كل زبون وزبون يجيب
الطوبة الظريفة ورشتيين منظف مفتحين .. وابقى
زي الفل وارجع زي ماجيت من المصنع أول يوم..

المهم أدي أول زبون

الزبون : صباح الخير .

الكاشير : صباح الخير يا فندم

الزبون : أنا سامع عندكو فطار جديد

الكاشير : طبعاً يا فندم أحنا مهمتنا نسعدكو

الزبون : طيب يا ريت بسرعة . كم الحساب ؟

الكاشير : خمستاشر جنيه وربع

الزبون : اتفضل

الكاشير : ثواني طلبك يكون جاهز أنت رقم ١

الزبون : شكراً

قعد الزبون وفتح جورناله وهات ياتقليب بعصية
و بسرعة عينه وقفت على صفحة البورصة وبدأ
يكلم نفسه ويقول :

يا دي الحظ الغريب كان قدامي السهم ده ببلاش
مرضتش اشتريه اهو دلوقتي بقى بخمسين جنيه
معقول يزيد أكثر من خمس أضعاف في يوم و باقي
الأسهم بتقل .. صحيح قليل البخت يلاقى العضم في
الكرشة .. كان زمانى ملك دلوتي آه غبي غبي أنا
فعلا غبي .. كان زمان العربية اتغيرت واشتريت
شقة جديدة واجوزت باه .. أنا غلطان إنى بسمع
كلام الواد حسن القهوجي غرقني .. هو معقولة
واحد خريج تجارة يسمع كلام قهوجي يدوب بيفك
الخط .. وكل ده علشان بيقول إنه سمع من الحاج
أبو زيد ملك البورصة اللي بيقد عندهم إن السهم ده
خلاص مات ولسه هاينزل .. غبي غبي

ده أنا مديلوه عشرين جنيه علشان يقولي سمع إيه
وإيه اللي نازل وإيه اللي طالع

الجرسون : رقم واحد رقم واحد
الفطار يا فندم .

الزبون : هات يا بني ماهو اليوم باين من أوله
" رشفة قهوة كبيرة يتلسع أف يدلداً على هدومه "
يادي النيلة وادي الجاكت باظ يادي النحاس المركب
وإيه ده السندوتش ده .. و قطعة في الثانية ورشفتين
قهوة وقام جري يلعن ويغمغم وماحدث فاهم أي
حاجة .

المهم يا له يا سمير بسرعة رشتين من بتوعك
علشان أفوق الرجل ده كان هيكسر رجلي من
عصبيته وداله القهوة على وشي أنا عارف
الناس مباحش فيه ذوق ليه

وفجأة ضربت ريحة برفان جنان آه أنا عارفة
البيرفيوم ده بتاع مين أيوه استنى كده ده

بتاع البنت " بسنت " الجميلة اللي ساكنة في
آخر الشارع أكيد مزوغة من المحاضرات أيوه
أكيد بس فين الواد " علاء " اللي بتزوغ معاه
اهوه داخل فاتح بقة مبتسم أنا
عارفة بتحب فيه إيه .

الكاشير : زي كل يوم يا أنسة .

بسنت : أيوه

الكاشير : اتفضلي رقم ٦ ثواني والفتار يكون
جاهز

بسنت : تعالى يا " علاء " التراييزة بتعتنا فاضية
أهيه

أقولوك الحق على أد ما البنت " بسنت " جميلة
وشيك وبحب اقعدتها بس الواد " علاء " ده
غلس وسخيف تخيلوا عمري ما شفته طلح جنيه
من جيبه هي الدنيا جرى فيه إيه هي البنات هي
اللي بتصرف على الرجالة أمال لوكان الواد ده

حلو شوية ولا جان كان عمل فينا إيه صحيح مراية
الحب عامية .

بسنت : عامل إيه النهار

علاء : زي كل يوم قرفان وزهقان .

بسنت " والابتسامة نعلوها " : ليه بس يا سيدي

علاء : أبويا يا ستي مزنقها عليّ كان عايزني
مارحوش الجامعة النهار قال إيه أختي هاتيحي من
أمريكا وعايزني أطلع معاه المطار .

بسنت : طيب يا بني ما هي أختك برضه طبعا
أنا مكنتش عارفة اليوم هايعدي ازاي من غير ما
شوفك النهاردة . بس الواجب واجب كان لازم
تروح المطار معاه .

علاء : إنتي كمان هو في إيه هو انا هاعمل إيه ولا
إيه

بسنت : هو أنت يا حبيبي بس بتعمل إيه

علاء : هو فيه إيه مالكم كده نكديين ليه ع الصبح
وبعدين إنتي طلبتي إيه ولا هانقضييه رغي من غير
منفطر

بسنت : لا يا حبيبي أنا طلبت الفطار خلاص
علاء : على فكرة أنا عايز عربيتك هاقضي بيها كام
مشوار

بسنت : هو أنت يابني مش لسه بتقول إن انت
هاتروح الجامعة النهاردة و قلت كده لأبوك .

علاء : آمال عايزاني أقوله أنا عندي بروفة لحفلة
المزيكا ! ده كان يمنعني من دخول البيت

بسنت : والله مانا عارفة إيه أخرت المزيكا ده
..... اللي عمري ما شفتلك حفلة من ساعة ما
عرفتك

علاء : لسه بس بكره هتعرفي أنتي مصاحبة مين
بسنت : مصاحبة مين هو أحنا مش هانجوز ولا إيه

علاء : يا بنت نجوز إيه مال تفكيرك باه شبه ستي
كده بسنت " مندهشة " : يعني إيه

علاء : يعني هو انتي تطولي تصاحبي فنان صوره
هتغرق الدنيا دانا ممكن اخذك موديل معاي واقتحك
باب المجد

بسنت "في استغراب " : مجد يعني أنا سايبه
محضراتي علشان تخليني في الآخر موديل وبعدين
مين اقلك إني أنا عايزة ابقى موديل وارقص
واتعري زي اللي بشوفهم دول .

علاء : هو أنتي تطولي

بسنت " مستفسرة " : على فكرة أنت بتهزر صح
علاء : والله يا بنتي ده الواد " شادي " صاحبي هو
اللي قال عليك إنك حلوة وعايز يشوفك يقابل بيك
مخرج النهاردة وأنا قلته ماشي

بسنت " بعصبية " : ماشي مين وصاحبك مين أنت
عارف انت بتقول إيه هو انت مين هو أنا

للدرجادي مخدوعة فيك خلاص بقه انسى اللي بينا
انا ماشيه

علاء : طب والفتار طب مش هاتديني العربية
أعمل الكام مشوار يا يا يا هي اسمها
ايه أه يا " بسنت " بنات عايزة الحرق .

الجرسون : رقم ٦ رقم ٦

علاء : هات يا معلم هنا .. ياله أحسن من وشها
والغريبة إن أكل كل الأكل وكأنه عمره مشاف
أكل أنا عارفة بيجبوك منين .. مش بقولكم واد
ثقل فوطك وبخاتك يا سمير المهم عدا وقت
الفتار ودخلنا في وقت الغدا وادي " سمر وأحمد
" مجوزين بقالهم تالت سنين واسمحولي أقولك
الخناقة النهاردة على إيه أه ... أه هو
النهاردة إيه أيوه ده خلاص يومين ويجي
رمضان كل عام وانتم طيبين طيب تبقى

الخنافة على إيه أكيد عرفتموا الخنافة أول يوم

فطار هانقضيه فين

سمر : ماقلتليش يا " أحمد " اقول لماما إيه أحمد "

على إيه بالظبط

سمر : على أول يوم رمضان هو أنت لحقت

تنسى

أحمد : يا ستي ماهو زي كل سنة أول يوم عند أمي

وتاني يوم عند أمك

سمر : طب ما أحنا بقالنا تالت سنين بنفطر عند أمك

أحمد : طب وإيه اللي حصل

سمر : اللي حصل إنها دلوقتي لوحدها بعد ما أخويا

إتجوز ومراته طلبت منه إنهم يفطروا عند أمها

أحمد : طب وأنا مالي أخوكي راجل خرع بيخاف

من مراته أنا زنبي إيه

سمر : ماتقولش كده على أخويا ده علشان مراته

غالية عليه مش زيك

أحمد : يا ستي طب أنا أعمل إيه . أنا الراجل ولازم

أول يوم رمضان عند امي

سمر : أنا طب ما أنا بقولك ما أخويا راجل وأول

يوم هيفطر عند حماته

أحمد : طب بالذمة ده راجل إزاي

سمر : يا سيدي حماته ولادها كلهم مسافرين

وملهاش غير بنتها

أحمد : طب وأنا مالي هو أنت أخوك مسافر

سمر : ياسيدي ما أنا بقولك السنة دي بس نغير

أحمد : يا ستي ولا السنه دي ولا السنة الجاية أنا

معرفش غير كده

سمر : طب ما انت متخرجنيش

أحمد : يا ستي الأصول كده

سمر : مين اللي بيعمل الأصول يعني لو محدش

خلف صبيان وخلف بنات أول يوم يفطر لوحده

أحمد : ايه ياستي إيه اللي دخل الصبيان في البنات

سمر : على فكرة بكرة هافكر ك لما بناتك تتجوز

ويسبونا أول يوم رمضان

أحمد : لما يجي بكرة يحلها حلال

جرس تليفون سمر يرن .

سمر : ده " على " أخويا

ألو السلام عليكم ازيك يا " على "

وأنت طيب يا حبيبي

والله طب وهي رأيها إيه

والله برافو عليك يا " علي "

أنا لا يا حبيبي خليها يوم ثاني

ربنا يجعله عامر بحسك يا حبيبي

مع السلامة

سمر " بتهيدة " : الحمد لله دلوقت أكل بنفس

هو فين الأكل

الجرسون : رقم ٣٦

سمر : أيوه

أحمد : هو في إيه ومالك مبسوطة ليه

سمر : بعد الأكل أنا جعانة قوي

الأكل لذيد كل ... كل

أحمد : يا ستي فيه إيه

سمر : أبدا أخويا " علي " أخويا علي

عازم حماته وماما هيقتضوا معاهم

شهر رمضان كله وكمان عامل برنامج

جميل هيخطرهم كل يوم في مكان

و أول يوم في الحسين

أحمد " يغمغم " : طب ومالقيش ناوي يعز منا فين

سمر : بعدين بعدين هاكملك بعد الغدا

رشتين يا سمير الحقني أنا عارفة يبقوا كبار كده

وبيدلوا إزاي

آخر النهار

وادي أسرة جميلة وصغيرة زوج وزوجه وولد

وبنت زي القمر .. فعلا قمرين

الزوج : تحب تاخدي إيه

الزوجة : لا متشكرة

الزوج : يعني ميصحش

الزوجة " بحدة " : لو سمحت مش عايزة حاجة

الزوج : طيب الولاد عايزين ساندويتشات برجر

هعمل حسابك ويانا

الزوجة : كل اللي بتعمله ده ممنوش فايدة قدامك

ساعتين وأخداهم وامشي

الزوج : مفيش فايدة سوء النية وراءنا وراءنا

الزوجة " تحدث نفسها " : رجالة ميجوش إلا

بالمحاكم خليته عبرة

لف في المحاكم أربع سنين وبيعتته اللي وراءه

واللي قدامه وفي الآخر حكمت يشوف العيال ثلاث

ساعات في الأسبوع ...

المطلق : وانتو عاملين إيه في المدرسة يا أولاد
المطلقة : إيه عاملين إيه بيئة صحيح
كلمهم انجليزي

المطلق "يبتسم ويخفي ثورته": هو أحنا في المدرسة
الولد : كويس يا بابا

البنات : الحمد لله الدرجات النهائية

المطلق : وانت يا حبيبي درجاتك إيه

المطلقة : فاشل زي أبوه

البنات : ليه يا بابا مابتجيش حفلة المدرسة

المطلق : إن شاء الله يا حبيبي

المطلقة "مقاطعة" : يجي فين وهقول للناس إيه

أحسن يحسبونني رجعتلك ولا حاجة

المطلق " : يا ستي الناس كلها عارفة إننا مطلقين

الولد : هو أنتو ليه مطلقين

المطلقة : أخرس متدخلش في اللي ملكش فيه

البنات : لأ حقيقي ليه

المطلق : بعدين يا أولاد

المطلقة : أوعى تكذب أنت هاتقلهم إيه

على الله اعرف انت قلتهم حاجة

المطلق : يا ستي هاقول إيه وفين ده أنت حتي

منعاني من المروح للمدرسة

وأخر مرة قالولي مش عايزين إحراج

امشي ولا نتصل بالشرطة أنا يجبولي

الشرطة علشان أشوف ولادي

المطلقة " بصوت عالي " : طبعاً ما أنت محدش

عارفك أدي يمكن تخطفهم وتخبئهم

المطلق : أخبيهم فين ما خدتي كل حاجة

المطلقة : ولسه

المطلق : دنا أقعد على السطوح مع الصنيعية

والعمال في أوتين والحمام مشترك دنا مش عارف

اعيش أخطفهم أودهم فين .

المطلقة : وکمان صوتک بیعلی یلا یا ولاد نروح
ده أصله لسه مترباش متعلمش إزاي يتکلم مع
أسياده

المطلق : یا ستي استتي هو أنا قلت حاجة یا ولاد
الأولاد تخرج باکیة بابا بابا
المطلق : هند ... هاني

حسبي الله ونعم الوکیل .. حسبي الله ونعم الوکیل

أکید تعبثوا کفاية علیکو کده دنا ملحقثش
أحکیلکم يوم وانا اللي نفسي کنت أعمل
یومیات ده الأحسن اغیر عنوان القصة وأخلیه
نص يوم فی حیاتی نص إیه قصدي ساعتین فی
حیاتی .. سمیر سمیر رشتینک یا أبو سمرة

نضارة " سليم "

هنا في إحدى المدن الجديدة وبالتحديد داخل
استراحة العمال في أحد المحلات الكبيرة وقف
سليم وهو شابا في الخامسة والثلاثين من عمره
أسمر البشرة دقيق الأنف أسود الشعر يحدث
أصحابه عن أيام الدراسة وذاكراتها فلقد اعتادوا كل
مساء أن يقص أحدهم بعضا من حكاياته حتى
يتسلون ويجعلون الأيام تمر لأنهم وإن كانوا في
القاهرة إلا أنهم بعيدين عن بلداتهم وأهليهم قال
صاحبنا الهمام سوف احكي لكم عن قصة شاب
حضر لأول مرة إلى الجامعة .. كنا في جامعة
الفيوم وأنتم كما تعلمون عني من محافظة المنيا ،
فكان السكن في الفيوم لبعده المسافة حيث أنني من
أقصى حدود المنيا فلا أستطيع الذهاب والإياب كل
يوم فكان علي السكن في المنيا فسافرت في بداية

الدراسة وأنا أعلم أن جاري " حسن " سوف
يحضر إلينا لأن التنسيق أرسله لنفس الكلية - كلية
الخدمة الاجتماعية - التي طالما حكيت له عنها
وعن الدراسة فيها وإن لها جانب عملي فنخرج إلى
النوادي أو المدراس أو المستشفيات نتدرب ومعنا
الزملاء والزميلات حيث أن الاختلاط فيها بين
الصبيان والبنات يكاد يكون إجباريا فأعجبته الفكرة
وأعجبته الكلية وقرر أن يلتحق بها وقد كان له
نصيب في ذلك وأنا اليوم بانتظاره وها هي طرقات
الباب تعلن عن وصول الفارس الهمام .

حسن : صباح الخير يا سليم

سليم : حمدا لله على السلامة يا أبو علي

حسن : إيه يا عم المواصلات الصعبة ديه

سليم : أومال أنت فاكّر إيه

وإيه يا عم ده أنت شايل البلد كلها معاك

حسن : لا يا سيدي ده الحاجة عامله شوية أكل

والست والدتك كمان عاملك كام
حاجة قالت إنك مبتحبش تشيل حاجة
معاك اعمل إيه يا عم يعني ازعلها
سليم : والله الواحد مش عارف بيزعل أمه إزاي
بس اديك شفت المرممة في السفر
حسن : آه والله طب هنعمل إيه دلوقتي هنروح
الجامعة إزاي

سليم : مالك جاي سخن كده ربح شوية هي
الجامعة هاتروح فين

حسن : لا يا عم أنا مستعجل عايز أحضر
المحاضرات

سليم : ياوله محاضرات إيه دنت تلاقيك نفسك
تتفرج على البنات

حسن : آه والله يا خوي دنا وأنا معدي وأنا جاي
على الجامعة في سكتي لقيت كل
واحد معاه واحده زي القمر وماشين

قاعدين حوالين السور

سليم : مش قاتلك دنته عيل عينك زايغة

حسن : يا عم أنا بقولك اللي شفته

سليم : طب نفطر الأول وبعدين ننزل

وبعدين أنت لسه مغيرتش هدومك روح

استحمه حد يشم ريحتك تقضحنا ده أحنا

هنا عاملين سمعة للبلاد كويسة مش

ناقصة فضايح وبعدين انت مغيرتش

نضارتك ده ليه

حسن : منين يا عم ... وبعدين أنا عارف إن

ممکن اعمالها على حساب الجامعة

سليم : دنت دارس الموضوع كويس أيوه يا عم

تعال أوريك سريرك فين أنا وانت

هنا في اوضة واحدة مع عمر

ماشي يا عم

حسن : الله دي شقة نضيقة وكماني بتبص على

الشارع عمار يا فيوم

أمال الواحد لو راح جامعة القاهرة هيسكن فين

سليم : على السطوح وحياتك أو تحت السلم يا

بني هي مصر فيه خرم إبرة

الجامعة في الأقاليم وبس اتعلموها بأه

يلا بينا نفطر

سليم : بص بأه ياعم " حسن " أحنا هنا

مقسمين الشغل يعني كل اتنين منا

هيكون عليهم تجهيز الفطار والغدا

والعشا في يوم وعليهم تنظيف الشقة

والفلوس بنجمعها مع بعض

حسن : ماشي يا عم

سليم : يلا بينا على الجامعة

ممکن ناخذها مشي وممكم نركب

حسن : لا ياعم مشي علشان الواحد يعرف البلد

كويس وفي الطريق

حسن : هي العمارات دي كلها فيها طلبة
سليم : بص يا بني أصل الحي هنا جديد والناس
هنا بتسكن الطلبة نوع من الاستثمار
بس برضه في الحي ده من بين
كل عمارة والتانية تلاقي حد ساكن
سليم " متابعا حديثه " : بص يا عم ده المطعم
اللي بنجيب منه الفول والطعمية
وده الفرن بتاع العيش وده فرن الفينو
وده مكتبة من المكتبات الكثيرة هنا تصور
ورق تشتري قلم وكده ياعني
سليم " لإحدى الفتيات " : صباح الفل يا نهى
نهى : صباح الخير يا سليم
حسن : هو انت كمان عارف البنات اللي بتشتغل
في المكتبة
سليم : بكرة تعرف كل حاجة
حسن : أخيرا الجامعة

سليم : ده جدول المحاضرات اسيبك أنا
حسن : طبعاً يا عم وكل البنات اللي بتصبح عليها ده
تعرفك

سليم : يا بني انت في كلية مختلطة ده العادي
حسن : أمال فين اللي عليها العين والنية
.....اللي هناك اهي جايه علينا

مممكن اتعرف عليها

سليم : يا بني انت هتفضحنا .. بعدين .. بعدين
"حسن" يدخل المحاضرات صبيان على بنات
وبنات لوحدهم وولاد لوحدهم في سره " :
طب أنا هاقعد فين طبعاً جنب الولاد
يا عم اسلم .. صباح الخير .. صباح الخير ..
أنا " حسن " أنا " محمد " أنا " وليد "

حسن : هو البنات دي عرفت الصبيان دوله أمتي
محمد : يا عم بكرة تتعرف انت كمان متشغلش

بالك

وليد : بص أكيد كانوا مع بعض في ثانوي

محمد : يله الدكتور جه

الدكتور : صباح الخير

الطلاب : صباح الخير

الدكتور : طبعا عارفين المادة : علم اجتماع

حسن : اكتب وراء الدكتور ده دنا سائل عليه بيحب

الامتحان من المحضرات

سليم " أمام أصدقائه في المحل "

ومر اليوم وراء يوم ولا فيه بنت عايزه

تعبره ولا هو عارف يتكلم مع حد ولما يكون في

السيكشن كانوا بيعملوه عادي كل اللي حواليه

بيصحبوه ويحكوله على إنه زميل وبس

حسن " يتحدث لسليم " : طب هعمل إيه

سليم : طب مانت قفل يا اخي برضه البنات

عايزة الواد اللي يضحك كده ويفرفش

حسن : بسيطة

وبعد أيام من الفرقة والروشنه والتغيير في
اللبس والجيل

حسن : مفيش فايدة لا الفرقة جابت ولا الجيل
جاب ده يا أخي تحس إنهم كانوا بيضحكوا علي
وانكت مفيش فايدة ولو ضحكوا يبقى كله شفقة
واحسان طب اغير النضارة اروح شؤون الطلبة
شؤون الطلبة : لازم تعمل كشف بس لسه السنة
بادية تعالى كمان شهر

سليم " متحدثا لأصحابه " :

حسن يروح البيت مهموم مفيش بنت
بتعبره وأصحابه حتي اللي في الشقة
خارجين مع البنات وفيه اللي بيذاكر
حسن " في نفسه " : طيب أقعد أذاكر علشان
أجاوب واكتب محاضرات وابقى دودة
كتاب ممكن يجلي بنات تكلمني ولا حاجة
أصدقائه في السكن : مش هتخرج

حسن : لا أنا عندي مذاكرة

يبص شوية من الشباك ويذاكر شوية ويقول في نفسه :

" ما هو التليفزيون والسيما منهم لله دائما تقول الحب في الجامعة حاجة أساسية ونبدأ بأه الزوجان من المحاضرات ويبدأ اللقاء في كافيتريا الجامعة وبعدها خطوبة وفرح وتخرج وشغل ونكمل الحياة وتوته توته توته ولا تخلص الحدوته على فكرة أنا واحد عادي من الفلاحين جيت شايل أفكارى عن الحب واللى بيحبوا ومصمم أعيش التجربة وأجرب يمكن ألاقى شريكة حياتي على فكرة أنا مش وسيم ولا غني بس بحلم أكون حاجة مهمة في البلد ولازم الألقى اللي هحبها بس مش عايز أقول لحد عن أفكارى يضحك علي يقول علي صعيدي مش عارف حاجة ولا فلاح عمره ما خرج من بيتهم ماهي

الجامعة ياما بتلم لا يا عم أنا هاكتم أفكاري في
نفسي أنا مقتنع بكلام التليفزيون والسيما
أنا مليش دعوة طول عمر البطل بيقابل البطلة في
الجامعة ويرتبطوا وبعدين يتخرجوا ويشغلوا
ويخالفوا صبيان وبنات ويقعدو يحكوا الولادهم قد
إييه تعبوا واشتروا كل حطة افي البيت واحدة واحدة.
وفجأة وهو في الشباك تقع عينيه على بنت واقفة
جنب شباكها فيقول في نفسه :

ده في حد بعيد ببص علي أه الشباك هناك
بعيد تكونش بنت معاي في الكلية دي شكلها
زي القمر طب ممكن تكون مين فيهم يمكن
واقفه في الشباك صدفة دي زي متكون معاها
كتاب وبتذاكر طيب أنا هجيب الترييزة قدام
الشباك وارقبها من بعيد لبعيد يوم والتاني ويتكرر
نفس اللقاء على الشباك ويقول في نفسه :

يا عم ده البنت اهيه نفس المواعيد علشان
الصبح أنا ما بشفهاش طب أعرف منين إنها
قصداني أنا أنزل ابص على العمارة بتعتي
لاحسن يكون في واحد غيري

سليم " لأصدقائه في استراحة العمال " :

ونزل معنا حسن يبص على العمارة اللي كنا
ساكنين فيها ملاقش حد في أي شباك وكرر المسألة
دي أكثر من مرة وكان بينزل في كل الأيام يجيب
طلبات لينا وأحنا نقول الواد اتغير ليه ده كان بينزل
بالعافية في دوره المهم تأكد تماما
إن البنت ديه تقصده فتجراً وشاورلها مردتش أحس
بإحراج وبعد يومين كرر مردتش
..... فشاقها اتكسفت ودخلت بسرعة
..... فرح حسن وكرر المشاورة فبدأت
تشاور ويشاور وتشاور والدنيا مش
سيعاه من الفرحة أخيراً في حد عبره ويوم

وراء يوم بقت قعدته عند الشباك ومش عاوز ينزل
ويشاور وتشاور وينزل الجامعة ولا الشارع
يضحك في وش كل البنات ماهو مش عارف أنه
وأحدة فيهم المسافة بين الشباكين بعيدة وهو لابس
نضارة طب يعمل إيه يجيب حد من أصحابه
يشوفهالوه وبعدين يأخدوا معاه في الجامعة وفي كل
حثة يقوله هي ده طبعا كسوف
وهنا قرر يروح شؤو الطلبة تاني عشان يحاول
يعمل نضارة جديدة وبعد كام يوم من التردد على
شؤو الطلبة والمستشفى ومعمل النضارات
..... استلم النضارة روح البيت فرحان
جدا وسعيد يسأل نفسه أمتى الليل يجي علشان
يشوف حبيبته حبيبته أه حبيبته ... ما هو
بقاله شهر يشاور وتشاور تبقى حبيبته
واقترب الموعد وهو عند كل دقيقة تقرب قلب يدق
دقات لم يعتد عليها ده شايف كويس جدا دلوقتي

... ده كمان شايف الصورة اللي متعلقة جوه
أوضتها يبقى أكيد هيشوفها وفجأة ظهر القمر .
ظهر القمر

يقاطع " سليم " أصدقائه في المحل قائلين : أكيد
لاقاه بومة ، وآخر يقول : لا لاقاها وحشة ، وآخر
يقول : لاقاها تقطع الخميرة من البيت وهم في
ذلك يضحكون

إلى أن ظهر الامتعاض على وجه " سليم " فهذا
الجميع فاستطرد " سليم " قائلا " وهو شديد التأثر :
لاقاها واحد عجوز قاعد في البيت لوحده وكان
بيفكروا بيرحب بيه لما بيشوفه في الشباك فيبرد
عليه التحية .

وهنا علا الجميع الضحكات ماعدا " سليم " الذي
سارع في توضيب فرشته لينام عليها وأخلد الجميع
للنوم بعد هذه الحكاية المسلية المضحكة وتعالى
شخيرهم غير أن الناظر إليهم يجد أن هناك من لم

يغمض له جفن وظل شاردا يمنع دموعه من أن
تنساب فلنقترب أكثر لهاتين العينين
السوداوين إنه " سليم " نعم " سليم " الذي
كان يحكي قصته على لسان " حسن "

نفخة الروح

كان الجو صحوا فأدار زر التلفاز كالعادة وبدأ في التقلب بمحطاته المختلفة وفجأة شاهد برنامجا أرشيفيا عن لقاءات واجتماعات الرؤساء العرب من خمسين عاما أو يزيد وكيف كان الحلم بالوحدة العربية وكيف كان استقبال هذه الأفكار من الشعوب التي حملتهم على أعناقهم مؤيدة رأيهم وكيف كان الهدف ساميا ونبيلا ولم يكن هناك طمع أو ما شابه في ثروة بلد لبلد إذا كان الكل تقريبا سواء..... فانسابت من عينيه الدموع الشديدة ومر أمامه شريط الذكريات لقد رزق بثلاثة صبية كانوا كل حياته سافروا جميعا للعمل خارج مصر فسافر الأول إلى العراق وتزوج عراقية وسافر الآخر إلى الكويت وتزوج من سورية كانت تعمل في نفس الشركة التي كان يعمل بها والثالث هاجر

إلى أمريكا وتزوج جزائرية ومرت السنوات والكل
في سعادة وهناءة وأحس أن بيته أصبح جامعة
عربية فكان الأبناء يحضرون إلى القاهرة ومعهم
زوجاتهم وأحفاده يقضون الإجازة الصيفية يسافرون
إلى الشواطئ وينعمون بالجو المعتدل وكانت
زوجات أبنائه مع زوجته يحضرون أشهى الأكلات
وأطعمها من كل البلدان ولا يذكر كيف تغير الزمان
وتبدل الحال فلقد قامت الحرب على العراق من قبل
أمريكا وعلم أن ابنه الأكبر قد سقط شهيد ولا يعلم
شيئا عن زوجته وأحفاده ومن قبلها الحرب العراقية
على الكويت وفقد الأبن الأوسط وأخيرا ما كان من
أمر حوادث الإرهاب في الجزائر و سقط الأبن
الأصغر الذي كان خبيرا في البترول وهنا يشتد به
النحيب ولا تتوقف دموعه حينما ربتت يد زوجته
على كتفه وظلا ينتحبان لكنه كان من وقت لآخر
يمسك بأجندة الهاتف يحاول الاتصال بأخر الأرقام

في الكويت والعراق والجزائر وله يعرف أين
زوجات أبنائه وأحفاده أو يعرف أية معلومة عنهم
ولكن دون جدوى ولكنه مازال يحاول ويحاول دون
أن يقطع الأمل في رحمة الله - تعالى -

وعلى بعد أميال كان الأمل قادم على بعد
أميال تتسابق ثلاثة سيارات تاكسي على الوصول
لعنوان واحد في قلب القاهرة ... تتسابق السيارات
دون اتفاق مسبق يجلس في كل منها سيدة وأبنائها
..... تزدحم الشوارع تتعالى آلات التنبيه
..... تصل السيارات إلى الهدف تصل إلى
قلب العاصمة ينزل الجميع شاهقة أبصارهم إلى
أعلى البناية وقد خفتت أنوارها وسكنت حركاتها
يقف الجميع ينظرون إلى بعضهم البعض في ذهول
هاقد بدأ الجميع يتفحصون ملامح بعضهم البعض
... ها قد انسابت من عيون النساء الدموع
أغرقت الدموع الخدود والملابس وانهمرت إلى

الأرض تروي الشوق وتملأ الشقوق وسارع الجميع
إلى السلم يدبون بخطواتهم عليها يسارعون إلى
القلبين الكسيرين يزفون البشرى ... ها قد عاد
الأمل ... لسوف تعود إلى الشفاء البسمة
وقبل دق الجرس وعلو الأصوات لم تغمض
عين الجد ولا عين الجدة وكأن القلب قد سارت فيه
نشوة لا يعلم أحد منهما مبعثها حتى
سمعا صوت الخطوات يقترب رويدا رويدا وتتعالى
الصيحات وكل منهما يتمنى ولكن
يكتم في صدره الأمنيات وها قد أزاح كل
منهما فراشه وذهب واقفا ونظر كل منهما إلى
الآخر يشير إليه وإلى الأصوات ولكن بلا كلمات
..... واقترب الصوت واقتربا من الباب
وأضيئت الأنوار ومع دق الجرس فتحا
الباب وتوالت الأحضان والعبرات وأنساب القبلت
عذابا وأختلطت الأجسام فلا تعرف رأس من هذي

ولا يد من ولا قبله من علي يد أو خد من وعلت
الصيحات والأهات من عند هذا الوقت أبدا لم تنطفئ
النوار ولم تخبت في القلب الآمال لقد عاد الأبناء
الثلاثة في أحفادهم وزجاتهم اثني عشر وبعثت
جامعتنا العربية من القلب ..

من قلب مصر

مذكرات قرداتي

كان الرأي من النافذة يشعر أنه في قبيلة فقيرة من القبائل الأفريقية فلقد كانت البيوت فقيرة في مظهرها ومن وقت لآخر تجد القروء تطرق عليك الأبواب والنوافذ تطلب الطعام أكيد مش مصدقين بتقوله ده واد مجنون بيحلم ولا حاجة طب والله العظيم حصل ... واللي مش مصدق ... يجئ يشوف ... هنا في جنوب المملكة العربية السعودية وبالقرب من الحدود اليمنية العيشة هناك كده

أنا اللي كنت متبطر على العيشة في حوارى مصر ... ياريتها دامت قالوللى السفر وسافرت ولقيتهم يا سيدي ودونى فى الحنة اللي بحكيكم عليها دلوقت أكيد لسه مش مصدقين على فكرة ولا أنا مصدق دايمأ أحكى لمراتى وأمي

على التليفون عن النعيم اللي عايش فيه وعلى العز
والأوبهه هو أنا مجنون أقول قرود كانوا
يخلون جنبهم ويودون السراية الصفرة وعنهما يا
معلم أطلع مجنون وصاحب البيت يطردنا منا مش
مسافر يعني مش هدفق الأقساط وأكيد صاحب
الغسالة والبوتجاز والثلاجة والدش وكل اللي ليه
حاجة عندنا هيسحبها ... يا أخي الغريبة إن الحارة
من ساعة ما عرفت إني مسافر وكل واحد خبط
على البيت ورمى حاجة وهو بيقول والابتسامة
على وشه مليانة ما الأستاذ مسافر يبقى يسدد على
مهله هي الفلوس هتروح فين المهم
اتورط يا معلم

وطبعاً لما وصلت للجبلالية اللي أنا عايش فيها قلت
ورحمة أبوي لا أنا راجع لمصر أشرب المر أكل
الطين بس غيتوني يا ناس من هنا أشرب المر
أكل الطين خلاص يا عم

.....طلع في وشي بتاع الشقة وبتاع
الأجهزة والعيشة اللي الأولاد بقوا بيحبوني علشان
معيشههم يا راجل ده مراتي معملتها اتغيرت مئة
وتمنين درجة قبل مسافر وأمي والله العظيم أمي يا
عم اللي كانت تقولي دايمًا ما أصل أنت خايب زي
أبوك تحب الجوع والراحة....اتلحح قوم شفلك
سفرية وادينى سافرتيا
أخي الغريبة إن الواحد بعد الظهر مينذن ميلاقيش
حد فاتح بابه ولا قاعد يتمشىيتمشى
فين يا عم وتسمع قصص بأه وحواديت
يوقاك واحده سابت شباك أوضة ابنها مفتوحة جه
قرد وخطفهواللي يقولك مرة عربية نقل
خبطت قرد ومات قاموا القروود قطعوا الطريق
وبدأوا يضربوا العربيات والسواقين بالحجارة
ومنجدش السواقين وعربياتهم إلا طيارة رمتهم
شوية موز وسوداني بعيد فسابوا الأضراب وراحوا

ياكلوا الموز والسوداني ونسيوا أخوهم الميت ما هو
عالم قرود بأه همهم على بطنهم على فكرة
بيفكرونى بحد أعرفهم أيوه ... أيوه أيه
اسكت اسكت هاتودينا في داهية واللى
يقولك مرة لمؤاخذه حد ركن عربيته وراح يعمل
زي الناس رجع لقاها منهوبه وكان فيها فاكهة
وموز صومالي من اللي قلبك يحبه

وادينا عايشين المهم مطولش عليكم زهقت
من الوحدة ومن الحكاوي مع الزملاء في الصباح
وفجأة بالليل سمعت حد بيخبط على الشباك مين
مين محدش بيرد قلت أكيد قرد أهو نشوف عايز إيه
وفتحت الشباك وفعلا لقيتيه قرد المهم امشي مش
عايز يمشي أقفل الشباك يرجع يخبط اشوحله
بعصاية مفيش فايدة المهم افكرت إن عندي موز
في المطبخ جبتله موزة أنه يمشي مفيش فايدة كلها
ومتنح المهم جبت موزة تانية بس رمتاله بعيد

ففعلا جابت نتيجة فقلت الشباك رجع خبطت ثاني
المهم فضلنا كده للصبح لغاية لما الموز خلص
رحت الشغل مدروخ منيمنيش ابن اللذينه ...
وحكيت لأصحابي قالولي اشرب يا حلو
مفهمتش غير بليل لقيت مش تخبيط لقيت ترزيع
على الباب فتحت لقيت القرد جاب أهله وعائزني
اضيفهم المهم خفت خفت قصدي اترعبت من
المنظر ورميت كل الأكل اللي عندي عليهم وهم
ولاد القروود عاملين يخبطوا وستر الله كان فيه حديد
على الشباك وكل ميخبطوا انا قلبي يتخلع من مكانه
والأكادة يا أخي إن الجيران عارفين إن فيه مصيبة
عندك ومفيش حد يحوش ... بس يحوش إيه هي
قطط و لا كلاب ده قروود قروود ...

المهم محشهمش عني غير الصبح لما طلع ورحت
رايح الشغل وأنا كلي حذر أحسن حد يكون واقف
من القروود بره مستنيني بطوبة ولا حاجة المهم

رحت الشغل وانا مش شايف قدامي ورحت متأخر
ودخلت الفصل على طول والعيال هاتك ياضحك
ويشاوروا على ربك والحق أنا مش عارف
بيضحكوا ليه فلقيتني لسه لابس البيجامة وشبب
الحمام في رجلي والبنطلون ناحية مشمرة وناحية
لاه ... فقلت أكمل باقي التمثيلية ورحت متشعبط
على الشباك وبدأت أقلد القروء المهم جه الناظر
والزملاء وانا عليت معايه العمليةحيث
أصبح لا تراجع ولا استسلام ومن يومها وأنا بتنطط
على حديد الشباك بس مش شباك المدرسة شباك
السراية الصفرة ليه بأه لأنني ولو عملتش كده
صاحب الشقة هيطردنا وكل اللي جاب حاجة ولا
ليه فاتوره عايز يأخذها واقضيها تنطيط في السجن
لا يا عم أنا هطنط هنا أحسن وخلي العيال وأمهم
وأمي يتبسطو بالشقة والتلاجة والدش ومستنيكو في
الشباك اللي جانبي


الفهرس

-
- القصة الأولى : الموت عطشا .. ص ٤
- القصة الثانية : يوم في حياتي .. ص ١٤
- القصة الثالثة : نضارة " سليم " .. ص ٣٢
- القصة الرابعة : نفخة الروح .. ص ٤٨
- القصة الخامسة : مذكرات قرداتي .. ص ٥٤
- الفهرس : ص ٦٠

37
66



Bibliotheca Alexandrina



0942806